

Dichtershoekje

Het lopt weer noa kerstdoagen

Joa, joa, het lopt weer noa Kerstdoagen
En de mainste mensen denken allain aan eten.
Denken nait, woar nog honger is,
Dat bin'n ze haildaal vergeten.

Ze waiten wel van Jezus in de stal.
En dat zien leven in harmoude begon.
Hai kwam veur ons allemoal
Hail klain en men direkt al noa zien leven ston.

Hai sprak mit zien volgelingen,
En wil het nooit vergeten.
Mit enkel ain poar brooden
Gaf hai ain haile schoore te eten.

Het was eten in alle fatsoun
En gain ain ging bie dat eten oet de pas.
Deur ain kus is hai verroaden
En ain ieder wait dat het Judas was.

Goa in vrede eten en drinken
Moar nait in weelde of overdoad.
Geef wat veur de hongerige kinder
Zo nait din dou je mit aan kindermoord.

Geef zo veul als je kin'n missen
En blief nait achter in het geven.
Neem Jezus als ain veurbeeld
Dei gaf alles wat hai haar, zulfs zien leven.

Geef, Oh Heer ons verstand en begrip
Dat wie as mensen mekoar willen verstoan.
Want aans is het mit ons straks
En onze mooie wereld gedoan.

Almoal willen wie vrede op aarde
Miljoenen bidden, zingen en vroagen
Geef ons laifde en de kracht
Dat wie mekoar nait altied zo ploagen.

Mit laifde en geduld en begrip
Wil ons gebed Oh Heer verheuren.
Noit, nooit gain oorlog meer
Ons zulfs en de wereld verscheuren.

Wies ons de weg, dei wie mouten goan.
Help ons, want wie bin'n nog zo dom.
Oh, Heer, dou het hail gauw
Veur dat hai komt 'DE ATOOMBOM'.

Geef ons nog ain kans om te bezinnen
En heb mit ons nog wat geduld.
Geef ons vrede op dizze wereld
En onze wensen en gebed is roem vervuld.

Amen.

JAN STRATING.

Loeks 21-12-88